

KATEKISMOE

OF

SIENJANSA DI BERDAD I DI MANDA,
MEENTOE NAN DI RELIGIOON DI
KRIESTIAAN NAN PA OESOE
DI PROTESTANT NAN

NA ARUBA

PA

N. A. KUIPERI,
PREDIKANT.



*Si boso nan ta keeda deen di mi
palabra, lo boso nan ta mi dis-
pel berdaderoc, i lo boso nan
koomproonde: e berdad i e ber-
dad lo libra boso nan.*

HEZOES.

GUAN VIII. 31, 32.

ARUBIANA / CARIBIANA

Imprimier na Drukkery di

A. L. S. MULLER & J. F. NEUMAN WZ.

CURAO 1862.

For reference.

NOT TO BE TAKEN
FROM THIS ROOM.

Arubiana: 1929

-- JAN. 2022



P R E F A C I O.

Fo di oora koe mi a bini seerka boso nan, mi stimado roeman nan deen di noos Seenjoor II. Kr. ! mi tawatien idea di papia koe boso nan, deen di boso nan leengua mees ; pasoba mi a mira koe hopi di boso nan, koe no poor koompreendee, kiko mi a papia deen mi leengua ; i mi a refleksiona koe mi tawata obligua di papia i sienja boso nan deen di papiamentoe, e leengua di boso nan. Pa motibo di ces aĩ mi mees a koemiensa sienja ees leengua, i boso nan sabie koe mi a koemiensa poko teempoc deespoes di prédika deen di papiamentoe ; ma mi no tawata koonteentoe koe ees aĩ, mi a mirá riba e jioe nan di boso nan tambee, i mi a refleksiona, koe nan ta dwaal rond mees koos koe karnée, koe no tien oen warda-door i mi tawatien miserikordia pa nan. Pa ees aĩ mi a skierbie oen boekie of katekismoe pa nan, pa sienja nan fo di djé e sienjansa i e mandamecutoc nan di religioon di Kriēstiaan nan.

Toemele antó fo di mi manoe. Mi a leza toer lokee mi a skierbie deen di Bybel, e palabra di Dioos, i mi ta keeré ees ai, pa motibo koe ees aĩ ta e sienjansa di Hesoe Kriestoe, Jioe di Dioos i di soe Apostel nan. Koe Dioos doená, koe lo boso nan keeré oen dia deen di Hesoe Kriestoe tambee ; pasoba heende, koe ta keere deen di Jioe di Dioos, ees heende ai ticu e bida eternoe deen di soe mees ; ma e heende, koe ta deesobedesidoe néle, lo no mira e bida eternoe ; e rabia di Dioos ta keeda riba élé.

Toema anto ees boeki aĩ, lesélé ; i Dioos, noos Taata, koc ta na ciēloe, biendisioná e lésamentoe di ees aĩ pa boso nan, i Ecl ta doena boso nan di soe loes, di soe sabiedoeria i di soe Spiritoe Santoe pa konosee lokee koe poor sierbie na boso nan saloer di alma i biēnabeentoeransa eternoe di boso nan.—AMEN!

LYST DI KAPITTEL NAN
DI EES BOEKIE.

KAPITTEL PRIMEER.

Riba e religioom i riba e Bybel.

KAPITTEL DOOS.

Riba Dioos.

KAPITTEL TREES.

Riba kreäsioon i riba gobiërno di Dooos.

KAPITTEL KWATER.

Riba Engel nan i riba heende.

KAPITTEL SIENKO.

*Riba salbasioon di pekadoor nan i riba e poordo-
nameentoe di pikaar.*

KAPITTEL SEIS.

Riba keeremeentoe i riba e konbertimeentoe di alna.

KAPITTEL SIETE.

Riba e mandameentoe di religioon di Kriestiaan nan.

KAPITTEL OOTSJOO.

*Riba e religioon poeblikameentoe of koeltoes
di Dooos poeblikoe.*

KAPITTEL NUEEBE.

Riba e moorto i riba bida eternoe.

KATEKISMOE

OF

SIENJANSA DI BERDAD I DI MANDA- MEENTOE DI RELIGIOON DI KRIESTIAAN NAN.

KAPITTEL PROMEER.

Riba religioon i riba e Bybel.

Preguonta 1. Kiko e religioon ta nifika ?

Roospuondie. E religioon ta oen oonrameentoe di Dioos, koe toer noos alma, koe toer noos koerasoon i koe toer noos foorsa nan. Eetstjoe nan 17, 24, 25. Dioos, koe a krea moendoe, i toer lokee deen djé, ees Dïoos aï, koe ta doonjo di ciëlœ i di tera, no poor biba deen di oen kaas grandi (tempel) koe e heende nan ta hasie, i Eel no poor worde sierbie di heende nan tampoko, meeskoos, koe Eel meesteer algaen koos, pasoba Eel mees a doena e bida di heende nan, i e alma, i toer oter koos pa nan toer.

- P. 2. Na kwal moder nan ta partie e religioon !
- R. Nan ta partie e religioon deen di doos,—deen *religioon partikoelaar*, i deen *religioon poeblickoe*.
- P. 3. Pa kiko noos meester e religioon ?
- R. E religioon principaalmente poor hasie heende bieënabieentoeradoe deen di ees bida aki i deen di eternidad.
- 1 Tim. IV : 8. E religioon berdaderoe ta di masjaar baloor, pasoba eel tien e promesa nan di ees bida aki i di e bida eternoe.
- Lesá Ps. I.
- P. 4. Kwaal religioon ta mas mihoor ?
- R. E religioon di Kriestiaan nan ta mas mihoor.
- Guan VIII : 12. Hesoos ta papia anto koe (Hoedioe nan) i Eel a bisa : “ mi ta e *loes* di moendoe,” keende, koe ta sigui mi, lo no kan na deen di skoeridad, ma Eel lo tien e *loes* di bida berdaderoe.
- P. 5. Fo di kwaal maneera noos poor sienja ees religioon ai ?
- R. Fo di Bybel noos poor sienja e religioon berdaderoe.
- Guan V : 39. Esammá e Skrietoera Santoe, pasoba boso nan ta koorda koe boso nan poor hanja deen di ees nan e bida eternoe i ees nan ta Skrietoera, koe ta teestiguá di mi. Hesoos a bisa.
- P. 6. Kiko ta e Bybel ?
- R. E Bybel ta een boekie Santoe of oen Hoenta-meentoe di moetsjoe boekie nan, i Skrietoera

Santoe deen di kwaal Dioos a moestra, noos e kamina na eiëloc..

Hebr. I : 1. Dioos, kie a papia na paader nan deen di teempoe bieeuw moetsjoe bees i na moetsjoe mancera koe boka di propheet nan, Eel a papia na noos koe soe Jioe benihenitoe deen di ees dia nan ai mas deespoëes.

P. 7. Koom nan ta jama e nomber nan di ees boekie nan di Bybel ?

R. E boekie nan soe nomber di Testament bieeuw ta asina :

Génesis.

Exodo.

Levitico.

Noemero.

Deuteronomio.

E libro of boekie di Hoséa.

E boekie di gobernadoor nan.

E boekie di Roeth.

Doos boekie di Samuel.

Doos boekie di Rei nan.

Doos boekie di Kroniken.

Esra.

Nehemia.

Esther.

Hiop i

E boekie di Salmoe nan.

E boekie di palabra nan di sabier.

E predikadoor i

El kantar di Salomon.

E boekie nan di profheet

Jesaïa.

Jeremia.

Esechiël.

Daniël.

Oséas.

Joël.

Amos.

Abdias.

Jonas.

Micheas.

Nahum.

Habakuk.

Safonias.

Aggeo.

Zaharias.

Maleachias.

P. 8. I koom nan ta jama e nomber di boekie nan di Testament nobo ?

R. Nan ta jama ees boekie ai, asina Ewanhelic di

S. Mateo, e Ewanhelie di S. Marko, e Ewanhelie di S. Luka i e Ewanhelie di S. Guan i e boekie di Eetsjoe nan di Apostel nan.

E brieve di Apostel Santoe nan.

E brieve di Santoe Paulo.	E brieve nan di Sto. Paulo
Oen pa e gemeente koe ta na Roma.	partikoelaar.
Doos brieve nan pa gemeente koe ta na Corinthhe.	Doos brieve pa Timotheo.
Oen pa e gemeente koe ta na Galata.	Oen pa Titoe.
Oen pa e gemeente na Ephese.	Oen pa Philemonoe.
Oen pa e gemeente na Philippi.	E brieve nan heneraal.
Oen pa e gemeente na Kolossen.	Oen brieve pa Hebreën of Hoedioe nan.
Doos brieve nan pa e gemeente koe ta na Thesalonika.	Oen brieve di S. Hakobus.
	Doos brieve di S. Petro.
	Trees brieve di S. Guan.
	Oen boekie di profect, koe ta jama Apokalypsis di S. Guan.

P. 9. Ees boekie nan ai ta di grandi baloor ?

R. Si, pasoba Hesoes mees a manda noos, koe noos meester esamina ees boekie nan ai.

Guan V : 39. Esamina Skrietoera Santoe nan, pasoba boso nan ta koorda, koe boso nan poor hanja deen di ees nan e bida eternoe, i ees nan ta Skrietoera, koe ta teestigua di mi.



KAPITTEL DOOS.

Riba Dioos.

P. 1. Noos tien oen Dioos ?

R. Sikoer! Noos tien oen Dioos, — oen Dioos oenikoe i berdaderoe.

Deutr. VI : 4. Teendee, o Israël! Jehova, e eternel, noos Dioos ta oen Dioos oenikoe.

Guan XVII : 3. Ees ai ta e bida eteerna, koe nan ta konosee Bo, o Dioos oenikoe i berdaderoe i e Jioe di Bo, Hesoe Kriestoe. koe Bo a manda.

P. 2. Kiko ta e Dioos anto ?

R. Dioos ta spiritoe masjaar perfektoe of perfek-tissimoe.

Guan IV : 24. Dioos ta spiritoe i toer heende, koe kieer adoréle, meester adoréle deen spiritoe i deen berdad.

Mark X : 18. Hesoes a bisa : "pakiko bo ta jama mi *boon*, niengoen *ta boon* (perfektoe) sino Dioos so."

P. 3. Dioos tien oen koemiensameentoe ?

R. Dioos no tien oen koemiensameentoe, i Ecl lo no tien fien ; Dioos ta e kausa promeer di toer koos.

Salm 90 : 2. O Dioos! bo ta di eteernidad tee na eteernidad.

P. 4. Na oenda Dioos ta biba ?

R. Dioos ta biba na ciéloe, riba tera ; si! na toer partie loguaar.

Jerem : XXIII : 23. 24. Dioos ta papia (koe boka di propheet) : " Mi no ta oen Dioos .

“ di aki i mi no ta oen Dioos di aleeuw ?
“ Sikoer! Ningoen heende poor skoondie
“ soe mees (deen loguaar skoer) of mi ta
“ mirélé, pasoba mi ta koemplie e ciêeloe
“ i tera.”

Riba seroe nan i deen di rooi,
Na toer partie Dioos ta
Na oenda noos ta baai of dwaal,
Of sienta Dioos ta aja.

P. 5. Dioos sabie toer koos anto ?

R. Sikoer! Dioos sabie toer koos: pasoba
Dioos a hasie toer koos.

Salm 139: 2 — 4. Asina David a papia:
“ O, Dioos! Bo sabie e sientameentoe di mi,
“ i e lamantameentoe di mi. Bo ta konosée
“ e peensameentoe di mi di aleeuw kabba.
“ Bo ta mira mi deen toer kamina, na oenda
“ mi ta baai of na oenda mi ta keeda. I
“ promee koe mi ta papia, Bo a teendee e pa-
“ labra nan di mi boka. Si, Seenjoor, o Dioos!
“ Bo sabie toer koos.”

P. 6. Kiko Skrietoera Santoe ta sienja noos fo di
Sabidoeria di Dioos ?

R. Eskrietoera Santoe ta sienja noos, koe Dioos
ta oen focente di toer Sabidoeria i di toer ko-
nosemeentoe.

Rom. XI: 33. E apostel Paulo a bisa:
“ O! rikcesa infinitoe di sabidoeria i konose-
“ meentoe di Dioos.”

I Tim. I: 17. Onoor i gloria ta pa Dioos
saber deen di eternidad!

P. 7. Kiko e Bybel ta sienja di *podcer* di Dioos ?

R. Dioos ta todopodoroso; Eel poor hasie toer koos, lokee Eel kieer na soe boloentad.

Salm 33 : 9. Dioos ta papia i e koos tá. Dioos ta manda i e koos ta sosodee.

Salm 115 : 3. Noos Dioos ta deen cieëloc. Eel ta hasie toer koos, lokee Eel kiee na soe goestoe.

P. 8. Kiko e Bybel ta sienja noos mas di Dioos ?

R. E Bybel ta sienja noos, koe Dioos ta santoe i hoestoe; asina koe Dioos ta stima toer koos boon i Eel ta rekoompeensa nan, i koe Eel ta rabia i Eel ta kastigua toer maloe i toer maldad nan.

1 Petr. I : 16. Dioos a manda : "bira "santoe, pasoba mi ta santoe."

Gen. 18 : 25. E Hoëes di toer tera, lo Eel no hasie hoestisie ?

P. 9. E Bybel ta sienja noos mas aienda di Dioos ?

R. Si ! Dioos ta benignoe; misericordioso i gratioso tambee.

Salm 103 : 8. Noos Dioos ta misericordioso i jeen di gracia; Eel tien pascensie i moetsjoe boondad pa noos; Eel no ta hasie koe noos segoen e pikaar nan di noos, i Eel no ta kastigna noos segoen noos maldad nan; ma meeskoos, koe oen Taata ta stima soe jioe nan, asina noos Dioos ta stima toer heende, lokee ta sigui soe mandameentoo nan.

1 Guan 4 : 8. Heende koe no ta stima oter heende, ees heende ai no ta konosee Dioos, pasoba Dioos mees ta stimasioon.

P. 10. Koe keende Dioos a larga sienja noos toer ees koos nan ai di soe mees natoeraal?

R. Dioos a moestra noos e natoeraal i e majestad di soe mees, principaalmeente deen di noos Seenjoor Hesoe Kriestoe.

Guan I: 18. Niengoen heende no ta mira noenka Dioos; ma e Jioe oenihenitoe di djé, koe tawata seka Dioos, soe Taata,—é Jioe mees a sienja noos di djé.

P. 11. Keende ta ees Seenjoor Hesoe Kriestoe?

R. E Seenjoor Hesoe Kriestoe ta e Jioe di Dioos, oenihenitoe, oenikoe i propioe, e figoera of imageen di Dioos inbisibel,—di Dioos koe noos no poor mira koe noos wowo.

Guan III: 16. Dioos a stima moendoe asina tantoe koe Eel a manda soe Jioe oenihenitoe pélé.

Koloss. I: 15. Hesoe Kriestoe koe ta e imageen di Dioos inbisibel, e kabees di toer kreatoera nan di Dioos.

P. 12. Kiko è Bybel ta sienja noos di *Spiritoe Santoe*?

R. E Spiritoe Santoe ta e Spiritoe di Dioos i di Hesoe Kriestoe, koe ta hasie toer boon deen di noos koerasoon.

Guan XV: 16. Ma si ees parapétoe ai (e Spiritoe Santoe) lo bini, koe lo mi munda di mi Taata, ees ahi, e spiritoe di berdad, koe ta baai afo di Taata, ees ahi lo teestiguá di mi.

Gal. IV: 6. I pa motibo koe boso nan ta jioe di Dioos asina Dioos a doena e spiritoe di soe Jioe deen di boso nan koerasoon, koe ta jama: Abba,—Taata.

P. 13. Pa kiko noos meesteer keeré e sienjansa di Taata, di Jioe i di Spiritoe Santoe ?

R. Pa motibo koe noos meesteer oonrá e Taata, e Jioe i e Spiritoe Santoe, koe nan trees ta e focente di toer saloer di noos i di bicenabieentoeransa eternoe.

2 Kor. XIII : 13. E gracia di noos Seenjoor Hesoe Kriestoe, e stimasioon di Taata i e kommoenidad di Spiritoe Santoe ta pa boso nan.

Mateo 28 : 19. Hesoes a manda : Baai anto i sienja toer nasjoon (i poëebel nan) i batisá nan na number di Taata, di Jioe i di Spiritoe Santoe.



KAPITTEL TREES.

Riba kreasjioon i riba gobierno di Dioos.

P. 1. Di oenda e moendoe ta soe orihinaal ?

R. Dioos a kreä moendoe i toer koos deen di cieëloe i ariba tera aki.

Gen. I : 1. Deen di koemiensamentoe di toer koos, Dioos a kreä moendoe, cieëloe i tera.

P. 2. Na kwaal idea Dioos a krea toer koos di cieëloe i di tera ?

R. Dioos a krea toer koos pa moestra soe majestad i soe gloria na saloer di toer kreatøera nardi djé.

Salm 19 : 2—4. E cieëloe ta rekoontá onoor di Dioos i e noebia nan ta anoensia noos e trabau di soe manoe. E dia na dia ta moestra noos soe podeer, soe boondad. I anootsjie tera na anootsjie ta papia di soe sabidoeria :—riba

heenteer moendoe heende ta teendee e boos di nan. (: di podeer, di boondad i di sabiedoeria di Dioos :)

P. 3. Kiko e Skrietoera Santoe ta sienja noos di kreansa di noos tera ?

R. Eskrietoera Santoe di, koe Dioos a krea tera asina, koe eel ta awoor, deen seis dia.

E dia di promee Dioos, e Kreadoor a bisa :
"lo loes ta."—i eel tawata ;

Deen dia deespoeëes Eel a regla e ciëloe ariba i noebia nan di djé ;

Riba dia di trees Eel a doena jerba, froeta nan i riba tera paloe ;

Dia di kwater Eel a lagua bini e koerpa nan di ciëloe Solo, Loena, Strea nan ;

Dia di sienkoe Eel a krea e pieskaar di lamaar i toer pagara nan di laria ;

Na fien, dia di seis toer soortoe di beestia nan i benerasjoon di heende.

P. 4. Aienda Dioos ta kwida moendoe koe Eel a krea?

R. Si! Dioos ta kwida toer koos, koe Eel a krea, pa motibo koe nan poor sierbie i sigui na soe koonseho i na soe boloentad.

Jesaia 40 : 26. Weita, o heende ! i lamanta bo woowo ariba i mira, keende a krea toer ees koos nan aï. Dioos a traha toer e strea nan, koe bo no poor koonta. Dioos ta jama nan toer koe soe number, na e grandeesa di soe podeer i pa motibo, koe Eel ta grandi di foorsa, niengoen di ees nan toer ta keeda afo, ora kee Dioos ta jama nan.

Salm 145 : 15, 16. E woowo di toer krea-toera nan ta warda ariba Bo, o Dioos. I Bo ta doena komierda pa nau na Bo teempoe. Bo ta habrie Bo manoe i Bo ta jena toer lokce ta biba, na Bo guoestoe.

P. 5. Dioos ta gobiërna mas aienda e moendoe ?

R. Dioos ta gobiërna toer koos, koe ta grandi ikwaalmcentoe koe ta tjikietoe. Eel ta mira i Eel ta regla e maldad nan di heende tambee.

Salm 103 : 19. E reina di Dioos ta riba toer koos.

Mateo 10 : 29. Nan no ta worde beendee doos totalika pa oen plakka i nienguoen di nau lo kaai abau na sueëla sien mirameentoe di Bo, Taanta koe ta na cieëloe ; si kabei di boso nan kabees lo ta koontaar.

Gen. 50 : 20. Boso nan bién, " asina Ho-see a papia koe see roeman nan," boso nan a hasie maloe konter mi, ma Dioos a regla oes maldad ai na boon.

P. 6. Kiko ta e *providencia* di Dioos ?

R. E *providencia* di Dioos noos ta jama e obra di Dioos, koe kwaan Eel ta kwidá toer koos, Dioos ta gobiërna toer koos, asina koe toer koos meester respoondee na soe idea, na soe konsehoe i na soe bolentad.

Salm 33 : 11. E koonschoe di Dioos ta keeda deen di eternidad, i e idea nan di soe koerasoon ta keeda fo di henerasjoon tee na henerasjoon di heende.


P. 7. Pa kiko noos meester keere e sienjansa di kreasjoon di moendoe i di *providencia* di Dioos ?

R. Noos meester keere e sienjansa di kreasjoon

di moendoe i di gobierno di Dioos pa motiboe, koe lo noos gradisie deen di fortoena i lo noos tien paseensie deen di deesgrasia, i koe lo noos ponee e kontiansa di noos riba Dioos pa teempoe koe lo bin.

Hiob 1: 21. Dioos a doena mi toer mi bicen nan, Dioos a toema toer mi bieen nan trobee. E number di Dioos sea alabansa!

Mateo VI: 25. Pa ees aï mi ta bisa boso nan, boso nan no meesteer tieuie pena pa boso bida, pa sabie kiko lo boso nan komee; ni kiko lo boso nan bebec, ni pa koerpa di boso nan, pa sabie kiko lo boso nan biestie. E bida no ta mas koe komienda i koerpa mas koe biestimeentoe?



KAPITTEL KWATER.

Riba Engel nan i riba heende.

P. 1. Ki kreatoera ta mas haltoe di toer kreatoera nan, koe noos ta konosee?

R. E kreatoera nan mas haltoe koe noos ta konosee ta e Engel nan i heende.

Salm 8: 6. Bo, o Dioos a traha e heende poko menos, koe Engel nan i Bo a glorifikóle koe onoar i gloria.

P. 2. Kiko ta Engel nan?

R. E Engel nan ta spiritoe boon, koe ta obedesie na Dioos seemper i koe ta legra soe mees ariba saloer di heende.

Hebr. I: 14. Engel nan ta toer spiritoe obedesidoe, koe Dioos ta manda deen soe sier-

bisie na heende nan, koe lo nan tien erfuis di bieënabieëntoeransa eternoe.

Lukas 15 : 10. Asina mi ta bisa bosonan ees ai, asina legria ta meimei di Engel nan di Dioos ariba oen pikadoer, koe ta repientie soe mees koerasoon.

P. 3. Kiko ta e diabel ?

R. E diabel ta spiritoe maloe koe ta deesobedesie na Dioos seemper i koe ta legra ariba perdimementoe di heende nan.

Guan S : 44. Bosonan ta ofonde bosonan taata, e diabel i bosonan kiese koempli soe deséa. Eel tawata oen matadoor di heende fo di koemiensameentoe i cel no ta persiestie deen di berdad ; pasoba ninguoen di berdad ta deen di djé ; cel ta e guanjadoor i e taata di meentira.

P. 4. Kiko ta heende ?

R. E heende ta oen kreatora di Dioos, i mas eselleente riba tera ; pasoba Dioos a kricéele na soe imageen, na soe natoeraal.

Gen. I : 26, 27. Dioos e Kreadoor a bisa : “ lo noos traha heende nan na noos imageen, na noos natoeraal, koe nan poor tien podcer riba toer koos koe ta riba tera.” I Dioos a krea heende na soe imageen, na soe natoeraal, i Dioos a krea homber i moheer, asina Eel a krea nan doos.

P. 5 Keende tawata promeer heende koe Dioos a krea ?

R. Adam i Eva tawata promeer heende nan, i afo di nan toer oter heende a bini deespuées.

Eetsjoe nan 17 : 26. Dioos a krea toer e

henerasjooon di heende afo di oen sanger, pa motibo, koe nan lo biba ariba heenteer moendoe.

P. 6. Na kwaal moder Dioos a hasie koe promeer heende nan ?

R. Dioos mees a sieuja nan, meeskoos koe oen taata ta sienja soe jioe doesie, i Eel a doena soe mandameentoe pa nan.

Gen. 2 : 16, 17. I Jehoova, Dioos a manda pa promeer heende nan bisando : " Bosonan, lo komee toer froeta nan di paloe di paradiso; ma lo boso nan no ta komee fo di paloe di konosementoe di boon i di maloe, pasoba ora koe boso ta komee fo di ees aī, lo boso nan moerie sikoer."

P. 7. E promeer heende nan tawata obedisee na ees mandameentoe nan di Dioos ?

R. No ! e promeer heende nan tawata deesobedisee na ees mandameentoe nan di Dioos.

Gen. III : 6. I e moheer (Eva) ta doena na soe homber (Adam) tambee, i Eel ta komee (fo di froeta di paloe).

P. 8. Ees deesobediseensia tawata maloe, pa soe jioe nan tambee ?

R. Sikoer ! E pikaar i e moortoe ta bini deen di moendoe fo di ees deesobediseensia di Adam i di Eva.

Rom. V : 12. E pikaar ta dreenta deen di moendoe afo di deesobediseensia di oeno heende (Adam) i deespoees e moortoe afo di pikaar.

P. 9. Noos no meester waarda anto pa e pikaar ?

R. Si ! pasoba e pikaar ta hasie noos deesgrasiadoe

i koelpabel dilanti Dioos, i miserabel deen di noos koerasoon.

Jeremias 2: 19. Bosonan maldad nan mees lo kastigua bosonan i bosonan pikaar nan lo rekoompeensa bosonan. — Sabie anto i mira, koe e maloe ta doema doloor, eel ta kausa, koe bosonan ta baai afo di Dioos i koe soe stimasioon no ta kee bosonan, asina Jehoova a papia.



KAPITTEL SIENKO.

*Riba e salbasioon di heende nan i riba
poordonomentoe di pikaar.*

- P. 1. Dioos no kiee salba heende fo di sierbisie di pikaar i di perdemeentoe eternoe ?
- R. Dioos kiee ees ai ; pasoba Dioos a moestra noos fo di koemiensamentoe kabba, koe El kiee salba heende fo di sierbisie di pikaar i di perdemeentoe eternoe.

Gen. 3 : 15. Dioos a bisa : “ Io mi ponee rabiamentoe meimei e maloe i meimei ees moheer ai, — i meimei e henerasjoon di bo, o diabel ! i meimei e henerasjoon di djé. E henerasjoon di heende lo mata bo i lo bo moorde na soe hieljtjie.”

- P. 2. Deen di keende Dioos a komplie ees promesa ai ?
- R. Hesoe Kriestoe ta e Salvadoor i Redeentoor di moendoe.

1 Tim. 1 : 15. Ees ai ta oen-palabra ber-

daderoe i di baloor grandi, koe toer heende meester keeré, koe Hesoe Kriestoe ta bini deen di moendoe pa salba e pikadoor nan.

P. 3. Kie dia i na oenda Hesoes a bini deen di moendoe ?

R. E naseementoe di Hesoe Kriestoe tawata deen oen teempoe masjaar bieeuw, mas koe oen miel i ootsjoo siëntoe seisseenta anja pasá na Betlehem. deen tera di Hoedioe nan, afo di Biergen Maria.

1. Noos ta leza di ees ai : Mateo I : 18—25
i Lukas II : 1—20.

2. E naseementoe di Hesoe Kriestoe ta worde célebraar pa noos dia di ficsta di Kriestoe (Kersmis) 25 December.

P. 4. Kiko Hesoes a hasie deen di moendoe pa salba heende nan ?

R. Hesoes a sienja heende nan di Dooos soe Taata, koe a mandélé, i prinsipaalmeeente kiko noos meester hasie pa haja sosiëguoe i paus deen di noos koerasoon.

Mateo XI : 28—30 Hesoes a bisa : "Jegua seka mi toer koe ta kansaar i koe tien kaargua pisaar i lo mi joeda bo. Kargua mi joeka ariba bosonan i sienja fo di mi ; pasoba mi ta boon i oemielde di koerasoon i lo bosonan haja sosiëgoe di boso nan koerasoon ; pasoba mi joeka no ta pisaar i mi kaargua ta lihee."

P. 5. Na kwaal mancera e bida di Hesoes tawata ?

R. E bida di Hesoes tawata mas perfectoe. Eel

ta oen chempel di oen bida na guoestoe di Dioos pa noos toer, pa motibo koe noos lo siguiélé.

1 Petr. II : 21, 22. Hesoos, koe no a hasie nienguoen pikaar, i nienguoen heende no a haja guanjamementoe deen di soe boka, a laggua oen eliempel pa noos di oen bida sautoes, pa motibo koe noos lo siguiélé.

P. 6. Na kwaal manera Hesoos a moestra koe Dioos a mandélé ?

R. Hesoos a moestra noos koe Dioos a mandélé koe mirakoelo.

Guan V : 36. Hesoos a bisa : " Eetsjoe nan, koe mi Taata a koontia di hasie pa mi-ees eetsjoe nan ai mees, koe mi ta traha, ta teestigua di mi koe e Taata a mandá mi."

P. 7. Hesoie Kriestoe a biba deen di rikessa i foer-toena deen di ees bida aki ?

R. Nienguoen manera ! Eel twata pover. Eel a oemilia soe mees masjaar i Eel a soefrie-moetsjoe.

Mateo 8 : 20. Hesoos a bisa nan : " Konyntjie nan tien oen boerakoe i pagara di eie-loe nan nesjie ; ma e jioe di heende (Hesoos) no tien oen logaar, na oenda Eel poor pouwa soe kabees."

Phil. 2 : 8. I Eel ta hujélé deendi figoera di oen heende i Eel a oemilia soe mees masjaar, ora, koe, Eel tawata obedeseo teo na moortoe, si ! teo na moortoe na oen kroes.

1. Noos ta leza di ees ai Mateo 26 i 27.

2. E moerimentoe di Hesoos ta worde eé-

Iébraar pa noos dia biérne Santoe, promee di Paaskoe.

P. 8. Pa kwaan motibo of kausa Hesoës a moeri ?

R. Hesoës a soefri i Eel a moeri pa poordonaameentoe di pikaar nan.

1 Petr. III : 18. Kriestoe a soefrie oen bees pa poordonaameentoe tambee di pikaar nan. Eel hoestoe pa noos eenhoestoe, pa motibo koe Eel poor treesee noos seerka Dioos.

1 Guan II : 2. Hesoës ta e sakrifisio di e pikaar nan di noos.

P. 9. E Seenjoor Hesoë Kriestoe ta keeda deen di moortoe ?

R. No ; pasoba Hesoë Kriestoe a lamanta fo di moortoe trees dia deespoeëes di soe dérameentoe na oen maneera masjaar ouëestoe, onorabel i glorioso.

1 Kor. 15 : 4. I koe Eel tawata déraar, i koe Eel tawata lamantaar na trees dia, se guoen Eskrietoera Santoe.

1. Noos ta leza di ees ai Mateo 28 i Guan 20.

2. E lamantameentoe di Hesoës ta worde celebraar, pa noos dia di ficesta di Paaskoe.

P. 10. Hesoë Kriestoe ta biba aienda anto riba tera ?

R. No ; Hesoës a soebie na eiëcloe kwarenta dia deespoeëes di soe lamantameentoe.

Eetstjoe I : 9. Ora koe Hesoës a bisa ees ai, ees oora mees Eel a soebie na eiëcloe i e Apostel nan a mira ees ai, i oen noebia a toemélé afo di nan woowo.

1. Noos ta leza di ees ai Luc. 24 : 51, 52. Eetstjoe I.

2. E soebimeentoe di Hesoe Kriestoe ta worde celebraar pa noos dia hoëebes, kwareenta dia deespoeëes di Paaskoe.

P. 11. Hesoe Kriestoe no a hasie nada mas riba tera aki ?

R. Si; diees dia deespoeëes Eel a koemplie soe promesa nan oeltimeo, ora, koe Eel a basja Spiritoe Santoe riba soe disipel nan, pa eestala soe gemeeute riba tera.

Eetsjoe nan II : 4. I nan ta worde koemplier koe Spiritoe Santoe.

1. Noos ta leza di ees ai, Eetstjoe nan di Ap. Kap. II.

2. E basjamcentoe di Spiritoe Santoe ta worde celebraar pa noos dia di heesta di Peentekoosta of Pinkster.


P. 12. Kiko noos poor sienja fo di lamantameentoe di Hesoe Kriestoe ?

R. Dioos a resoescita Hesoes pa moestra, koe Eel ta soe jioe berdadero; i koe lo noos tien deen djé oen sigoeransa di lamantameentoe di toerheende, koe ta biba hoentoe koe né.

Rom. I : 3, 4. Di soe Jioe, Hesoe Kriestoe noos Seenjoor, koe ta nasee fo di kaas di David segoen soe natoernal oemanoe, i koe Dioos a moestra koe soe Jioe segoen soe natoernal spiritoeel Santoe, fo di lamantameentoe di moortoe.

Eph. I : 19, 20. Dioos, e Dioos di noos Seenjoor Hesoe Kriestoe, e 'Taata di gloria, a moestra e grandesa di soe podeer, ora koe Eel a resoescita Hesoe Kriestoe fo di moortoe i Eel a ponélé deen cieëlœ na soe man dreetstjoe.

- P. 13. Kiko e hoertameentoe ta awec meimei Hesoe Kriestoe koe noos ?
- R. Hezoes noos Seenjoor ta biba deen cieëloe i Eel tica podeer i gloria riba toer podeer deen cieëloe i riba tera pa salba i santifika noos.



KAPITTEL SEIS.

Riba e keereameentoe i riba e kombertameentoe di alma.

- P. 1. Fo di kwaal maneera e hoertameentoe meimei Hezoes i noos tien soe koemiusameentoe ?
- R. Noos debee noos saloer di alma fo di gracia di Dioos i to di amoor di Hesoe Kriestoe ; pasoba Eel a sakrifika soe mees fo di amoor pa noos, seguoen boloentad di Dioos, pa salba noos afo di sierbisie di pikaar.
- Rom. III : 24. Noos ta worde hoestifikaar fo di gracia di Dioos pa kausa di salbasioon koe ta deen di noos Seenjoor Hesoe Kriestoe.
- P. 2. I kiko noos meester hasie auto pa haja bieëna-bieëntoeransa eternoe ?
- R. Noos meester keéré deen di noos Seenjoor Hesoe Kriestoe.
- Guan III : 36. Heende, keende koe ta, koe ta keéré deen di Jioo di Dioos, ees heende ai tien e bida eterna ; ma e heende, keende koe ta, koe ta deesobedesiedoe pélé, ees heende ai lo no mira bida eternoe, — ma e rabiameentoe di Dioos ta keda riba djé.
- P. 3. Kiko e keereameentoe deen Hesoe Kriestoe ta nifika ?

R. Noos ta keeré deen di Hesoe Kriestoe fo di oora koe noos ta konosélé i noos ta koonfia riba djé, koe ta noos Salbadoor i Seenjoor.

Guan I : 12. Tantoe heende nan, koe a toemélé, i koe ta keeré deen di soe number, tantoe heende nan a risibie podeer di djé di bira jioe di Dioos.

P. 4. E keeremeentoe aī ta basta anto pa bira jioe di Dioos ?

R. E keeremeentoe aī meester hoenta seemper koe oen konbertimeentoe di alma.

Mark. I ; 15. Bosonan meester ripientie deen di bosonan alma i keeré deen di Ewanhelie di Kriestoe.

Hak. II : 26. E keeremeentoe sien eetstjoe nan boon ta moortoe, meeskoos koc e kocpra di heende ta moortoe sien alma.

P. 5. Kiko ta ees konbertimeentoe di alma ?

R. E konbertimeentoe di alma ta siestie fo di oen sientimeentoe di doloor riba e pikaar nan di noos, koe ta hoentá koe dweelie di alma i koe oen guestoe seenserameente na toer eetstjoe di boon fo di stimasioon pa Dioos.

Rom. XII : 2. Bosonan (Kriestiaan nan) no meester tá iguaalmeente heende maloe na moendoe ; ma bosonan meester bira boon, fo o konbertimeentoe di bosonan alma ; pa motibo, koe bosonau poor sientie i sigui e boloentad boon i santoe di bosonan Dioos.

P. 6. Na kwaan manera lo noos moestra e seensericidad di noos keeremeentoe i di noos konbertimeentoe ?

R. E seensericidad di noos keeremeentoe i di kon-

bertimeentoe di noos alma lo noos poor moestra fo di kitameentoe di pikaar i fo oen hasimeentoe di eetstjoe nan boon seguoen e boloentad di Dioos.

2 Tim. II : 19. Heende, keende koe ta, koe ta jama e number di Kriestoe, ees heende ai meester kita fo di sierbiosie di pikaar.

Tit. II : 11. 12. E gracia di Dioos, koe ta hasie noos bichenabieentoeradoe, ta parsee pa toer heende nau i eel ta sienja noos, koe noos meester kita toer maldad nan i passionameentoe nan i maloe, i koe lo noos meester biba moderadoe i hoestoe i jeen di Dioos deen di ees bida aki.

P. 7. Lo noos poor hasie toer ees ai foor di noos mees foorsa ?

R. No! ma Dioos kiee doena na noos toer koos, sabidoeria, podeer i toer, lokee noos meester na oen bida hoestoe i santoe.

2 Petr : 1. 3. Igualeente Dioos a doena noos, seguoen soe podeer, toer koos, koe noos meester na oen bida, koe ta hoentoe koe nelé fo di konosemeentoe di Hesoe Kriestoe, koe a sklama noos na gloria i na biertoed.

P. 8. Si ta koos koe lo noos haai perdie, di keende e kausa tá anto ?

R. Di heende mees, pa kausa di soe deesobediensia na Dioos, i di soe deeskoonfiansa na palabra di Dioos.

Hebr. II : 2. 3. Pasoba si ta koos koe e palabra di Engel nan tawata koonfermaar i kada maldad i deesobediseensia tawata rekoompeensaar koe oen kastiguameentoe hoestoe, koom lo

noos hoei e'hoestisie di Dioos, si ta koos, koe noos ta négligea oen kqos di asina grandi ba-loor, Ewanhelie di Hesoe Kriestoe, koe Eel Jioe di Dioos mees a sienja noos, i koe ta koon-firma na noos di soe Apostel nau, koe a mirólé i teendélé.



KAPITTEL SIETEE.

*Riba e mandameentoe nan di religioon di
Kriestiaan nan.*

- P. 1. Bisá mi e lei nan, koe Dioos a doená na e poeëbel di Israëel of Hoedioe nan?
- R. Noos ta haja ees lei nan ai deen di boeki doos i deen di boeki sienkoe di Moïsee. Exodoe XX i Deutr. V. Na oenda noos ta leza: Ees cor ai Dioos a papia toer ees palabra nan ai, bisando: "Mi ta Jehovah, eternoe, bosonan Díoos koe a saka bosonan fo di sier-bisie di téra di Egypte,—fo di kaas di sier-bisie."

1.

Lo bo no sierbie ninguoen oter Dioos dilanti di mi kara.

2.

Lo bo no traha niinguoen figuoera koe par-seineentoe di e koos nan, koe ta ai ariba na ciëloe, ni aki bau ariba téra, ni koe ta deen awa bau di téra; lo bo no kani kara na suëla adilanti di nan i lo-bo no sierbie nan; pasoba mi ta Eternel bo Dioos, e Dioos di foorsa, koe ta jaloers, i koe ta kastigua jioe tra di delitoe di nan taata, tee na di trees i di kwater henc-

rasjooon di ees nan, koe tien mal koerasoon pa mi, ma koe ta hasie miserikordia tee na miel henerasjooon na ees, koe ta stima mi, i koe ta warda mi mandameentoe nan.

3.

Lo bo no tien na boka poor nada number di Eternel, bo Dioos, pasoba Eternel, bo Dioos, lo no miia bo pa noseentoe ees, koe tien soe number na boka poor nada.

4.

Korda e dia di sosiëguoe pa bo santifikée. Lo bo traha seis dia i lo bo hasi toer bo trabau ; ma e dia di siëtee ta sosiëguoe di Eternel bo Dioos. Lo bo no hasie nienguoen trabau ariba ees dia, ni bo jioe homber; ni bo jioe moheer, ni bo kria homber, ni bo kria moheer, ni bo beestia nan, ni cestrangeroe nan koe ta deen bo kaas ; pasoba Eternel Dioos a traha na seis dia ciëcloe, téra, lamar, i toer, lokee koe ta deen di nan, i Eel a sosegua e dia di siëtee ; ta pa ees aī Eternel Dioos a biendiek-sjoná e dia di siëtee i a santifikée.

5.

Oonra bo Taata i bo Maama, pa bo dia nan bira mas largoe ariba e téra, koe Eternel bo Dioos ta doena bo.

6.

Lo bo no matá.

7.

Lo bo no kibra matrimonio.

8.

Lo bo no hoorta.

Lo bo no ta teestigua falsoe kontre bo pro-
hūno.

Lo bo no bira koediesie ariba kaas di bo
prohimo, lo bo no bira koediesie ariba moheer
di bo prohimo, ni ariba soe kria homber, ni
ariba soe kria moheer, ni ariba soe boed, ni
ariba soe boerikoe, ni ariba nienguoen koos.
koe ta di bo prohimo.

P. 2. Kiko noos Seenjoor Hesoos a sienja noos di
ees mandameentoe of lei nan di Dioos?

R. E Seenjoor Hesoos a bisa koe e preensipaal
poentoe di toer lei di Dioos ta asina :

(Mateo 22 : 37, 39.) “ Lo bo stima Dioos,
bo Dioos, koe toer bo koerasoon, koe toer bo
alma, i koe toer bo foorsa di alma i di koer-
pa,” ees ai ta e lei promeer i grandi of preen-
sipaal ; i e lei di doos koe ta iguaal pa ees ai
ta asina : “ Lo bo stima bo prohimo iguaal-
meente koe bo mees.”

P. 3. Noos meester onra Dioos deen di noos ho-
beentoed kabba ?

R. Sikoer! pasoba deen di anja promeer noos
poor reglā mihoor e maloe di noos koerasoon
i e passionameentoe di noos sientimeentoe.

Pred. 12 : 1. Koorda na bo Kreadoor deen
di anja di bo hobeentoed, koe lo e dia maloe
ta bini i anja nan, koe lo bo bisa : “ Mi no tien
guoestoe deen di ees nau.”

- P. 4. Kiko lo ta e froeta, koe lo noos haja deen di bida aki, fo di bida seguoen ees lei nan ?
- R. Si ta koos noos ta biba boon seguoen ees lei nan, noos poor koonfia seemper riba Dioos, koe noos 'Taata sabier, beniguae i boon.



Salm. 37 : 3—5. Spera riba Dioos i hasie ees, koe ta boon dilanti di djé. Biba aki riba tera i kome koe koonfiaansa.

Tien moetstjoe guestoe deen di sierbiesie di Dioos. Lo Eel doena bo toer lokee bo koerasoon kieer.

- P. 5. Kie maneera Dioos a manda noos, koe noos meester biba i hasie koe noos prohimo i heneraalneentoe koe otro heende nan di moendoe ?
- R. Noos meester signi na toer partie ees regel ai : "Toer koos koe noos kiee, koe nan hasie koe noos, noos meester hasie tambee koe noos prohimo nan" of meeskoos koe Hesoos a bisa :

Mateo 7 : 12. "Toer koos koe bo kiee, koe oter heende nan lo hasie na bo, lo bo mees hasie asina na nan tambec, i a koontra-rio, kiko bo no kiee, koe lo bo prohimo hasie na bo, lo bo-no meester hasie na bo prohimo tampoko."

- P. 6. Ma na kwaal maneera noos meester biba koe e enemigoe nan di noos ?
- R. Hesoos a sienja noos, koe noos meester pidi pa nan, i biendisioná nan pa sigui deen di ees ai e ehempel di noos 'Taata, koe ta na cieeloe.

Mateo V : 44. Stima hē enemigoe nan, biendisiona heende koe ta maldisiona bo.— Hasie ees aī koe ta boon na ees heende, koe ta rabia konter bo. Pidie Dioos pa ees heende koe ta hasie maloe konter di bo i koe kiee briengua konter di bo, pa motibo koe lo bosenan poor ta jioe nan di bosonan Taata koe ta na ciēcloe.

- P. 7. Kiko noos meester obserba deen di bida di noos mees, pa biba oeu bida di Kriestiaan ?
- R. Noos meester tien doeguoestoe di toer lokee ta maloe, toer mientiera i toer guanjameentoe; noos meester stima hoestisie i biba heneraalmeente moderade deen toer kōos, onesta-meente i respecteōso.

Salm. 5 : 7. O Dioos! lo Bo perdee e guanjadoor, i Bo ta rabia konter heende, koe ta stima sauger i guanjameentoe.

Rom. 13 : 7. Doena kada heende, kiko bo meester doenélé, doena pagameentoe na ees heende koe bo meester pagua; doena belaster na ees heende, koe bo meester pagua belaster; doena tol na ees heende koe bo meester pagua tol; doena respect na ees heende koe bo meester respecta; doena onoor na ees heende koe lo meester oonra.

Eph. V : 3—5. Maar e kibramcentoe di matrimonio i toer soortoe di maloe of aboerisia of oter soortoe di mal passionameentoe no lagua ta noonbraar mees deen di bosonan; biba meeskoos koe ees aī meestaer pa oen Kriestiaan, ni eempoediscensia, ni briengua-meentoe of lokaria-nan, koe no ta permitie, na lagua teendee gradisiemeentoe moetstjoe was:

pasoba bosonan sabie, koe toer heende roon-
diadoor of smeerlap of abaroe, koe nan ta
heende maloe, no poor tien herédéroë di reina
di Kriestoe i di Dioos.

P. 8. Ma ki moder noes poor biba asina ?

R. Pa noos heende ees ai ta eempoesibel, ma pa
Dioos toer koos ta poesibel.

Mateo 19 : 26. I Hesoës a keeda mira
nan i disi koe nan : "Pa heende ees ai ta
eempoesibel, ma pa Dioos toer koos ta poe-
sibel."

P. 9. Dioos kice joeda noos ?

R. Dioos kice joeda noos si ta koos, koe noos
pidie see joedansa deen di noos pidimeentoe.

Mateo 7 : 7, 8. Pidie i lo Dioos doena na bo-
sonan, kiko lo bosonan meester ; boeska i
lo bosonan hanja ; bati na poorta i lo nan
habrie pa bosonan ; pasoba ees koe ta pidie,
lo risibie ; ees koe ta boeska, lo haja ; i lo nan
habrie na heende koe ta batie na poorta.

P. 10. Kiko ta e pidimeentoe na Dioos ?

R. E pidimeentoe na Dioos ta oen papiameentoe
koe Dioos, koe respekt i koe koonfiansa, of
oen oonrameentoe di Dioos koe noos koera-
oon i pa berdad.

Guan 4 : 24. Dioos ta spiritoe, i toer heen-
le lokee kice adoréié, meester adoréié deen
spiritoe i deen berdad.

P. 11. Noos meester pidie na Dioos moetsjoe bees ?

R. Si ! pasoba Dioos kice ees ai i Eel kice ees ai
na noos boon.

1 Thess : 5. 17. Pidie kada dia i gradisie
Dioos deen toer koos.

P. 12. Kie piediemeentoe ta mas perfektoe ?

R. E piediemeentoe, koe Hesoos a doena noos pa
pidie i koe ta asina : Noos Taata, koe ta na
cieëloe, koe Bo number ta santifika, koe Bo
reina bini, koe Bo boloentad ta koemplie ari-
ba téra asina koe na cieëloe. Doena noos
awee noos panr di kada dia. Poordona noos
noos débee nan asina koe noos ta poordona
noos débeedor nan. I no ponet noos deen teen-
tasjoo, ma libra noos di malbe ; pasoba pa
Bo ta e reina i podeer i gloria tee na eteer-
nidad. Amen.



KAPITTEL OOTSJOO.

*Riba e religioon poeblikameentoe of koeltoes
di Dioos poeblikoe.*

P. 1. E religioon partikoelaar ta basta pa hasie
noos bieënableëntoeradoe ?

R. E religioon partikoelaar meester perfekSIONA
i aumeenta, i pa ees ai noos meester e reli-
gioon poeblikameentoe of e koeltoes di Dioos
poeblikoe.

Hebr. X : 25. No lingua noos negligea noos
reoenibon of noos hoentameentoe poeblikoe,
meeskoos koe alguoen otro nau-tien koestoema.

P. 2. Pa kiko noos meester baai na kerki ?

R. Pa oonra Dioos poeblikameentoe i pasoba
Dioos mees a censtalla e koeltoes poeblikoe, i

Hesoes mees a doena na noos oen ehempel,
koe noos meesteer sigui.

Exod. 20 : 8. Koorda e dia di sosiëgoe pa
bo santifikee.

Luc. 4 : 16. I Hesoes ta baai deen di Znoä
dia di Sabbath, segoen soe koestoema.

P. 3. Kiko Hesoe Kriestoe mees a eenstalla riba
mancera di koeltoes poeblikoe di Dioos ?

R. Hesoes no ta eenstalla nada di ees ai ; maar
Eel a eenstalla Bautismoe Santoe i e Seuwa
Santoe, (Doop i Avondmaal).

Mateo 28 : 19. (:Hesoes a bisa na soe disipel
nan :) “ Bai anto afo, pa sienja toer e poeb-
bel nan riba hienteer moendoe, batisando nan
deen di nomber di Taata, di Jioe i di Spiritoe
Santoe, i sienja nan pa nan warda toer koos,
lokee mi a manda na bosonan.”

Mateo 26 : 26—28. I komo nan tawata
komee, Hesoes a toema pam i deespoeës koe
Eel a gradisie Dioos, Eel a kibreele, i Eel a
doenee na soe disipel nan i Eel a bisa : “Toc-
ma, komee, ees aki ta mi koerpa.”

Deespoeës Eel a toema beker, Eel a gradi-
sie Dioos, Eel a doenee na nan bisando : “Bo-
sonan toer bébce, pasoba ees aki ta mi sanger,
e sanger di Testament nobo, koe ta dramaar
pa moetstjoe, pa poordoan di nan pikaar.”

P. 4. Pakiko Hesoes a eenstala e Bautismoe Santoe ?

R. E Seenjoor Hesoe Kriestoe a eenstallá e Bau-
tismoe Santoe koe awaa poeroe i Kempie pa

oen figuera i siguoeransa di dreentameentoe deen di soe oenioou of hoentameentoe.

Rom. 6 : 3, 4. Bosonan no sabie koe noos, asina tantoe koe noos ta batisaar deen di nomber di Hesoë Kriestoe, noos ta batisa deen di oenioou, koe soe moortoe? Noos auto oora di bautismoe tawata déraar koe né abau di awaa di bautismoe; pa motiboe koe lo noos bida oen bida nobo koe né pa gloria di soe Taata.

P. 5. Pa kike Hesoës a eenstalla e Sena Santoe?

R. E Seenjoor Hesoës a eenstalla e Sena Santoe (Heilige Avondmaal) pa oen rekordameentoe di soe soefrineentoe i di soe moerimeentoe pa poordonameentoe di pikaar.

1 Kor. XI : 25, 26. Bosonan ta hasie ees aï pa oen cordameente di mi. (:Hesoës a bisa na mesa di Sena Santoe :) Iguadmeentoe Eel a toema e beker deespoë's tانبée i Eel a bisa : "bosonan ta hasie ees aï pa oen cordameente di mi tantoe moetstjoe bees, koe bosonan bébeelé, pasoba tantoe moetstjoe bees koe bosonan komee ees pam i lo bosonan bébee ees beker, tantoe bees lo bosonan rekorda e moortoe di bosonan Seenjoor tee na teempoe koe lo Eel biini."

P. 6. Kie moder noos meester prepara noos pa Sena Santoe?

R. Noos meester prepara noos mees pa Sena Santoe koe oen esaminameentoe di noos koe rason i di noos bida.

1 Kor. XI. Maar e heende ta esamina soe mees i cel ta bébee afo di beker.

- P. 7. Kada heende poor jegua na mesa di Sena Santoe?
R. No! Eel meester koonfesa soe keeremeentoe promee, i eel meester konfierma poeblikameentoe ees aī deen di kerki.

Mateo X : 32, 33. Kada heende, koe lo konosée mi dilanti di heende nan, lo mi konosée tambee dilanti di mi Taata, koe ta na cieëloe; maar ees heende koe lo no konosee nā dilanti heende nan, lo mi no konosélé tampeko, dilanti di mi Taata koe ta na cieëloe.

- P. 8. Kwaal ta e prinsipaal poentoe nan di konosemeentoe di toer Kriestiaan nan?
R. E konosemeentoe di keeremeentoe di toer Kriestiaan nan ta asina :

Art. 1.

Mi ta keeré deen Dioos Taata todopodoroso, Kriadoor di cieëloe i di téra.

Art. 2.

Mi ta keeré deen Hesoe Kriestoe, soe Jioe oenikoe, noos Seenjoor.

Art. 3.

Koe ta konsibier di Spiritee Santoe, koe a nasee fo di birgen Maria.

Art. 4.

Koe a padisee bau di Pontioes Pilatoes, koe tawata kroesifikaar, koe a moerie, koe tawata déraar.

Art. 5.

Koe a baha deen di fiérnoe, koe a lamanta trees dia deespoeës di soe moortoe.

Art. 6.

Koe a soebie na cieeloe pa sientaar na

manoe drectstjoe di Dioes, e Taata todopodoroso.

Art. 7.

Afo di oendā lo Eel bini, pa hoegga biboe i moortoe nan.

Art. 8.

Mi ta keeré na Spiritoe Santoe.

Art. 9.

Mi ta keeré na Santoe Kerki Apostolikoe Katolikoe, na koomunoenidad di Santoe nan.

Art. 10.

Mi ta keeré na poordouameentoe di pikaar nan.

Art. 11.

Mi ta keeré na resoereksioon di karnoe,—i

Art. 12.

Mi ta keeré na oen bida cteernoe.—Amen.

Noos ta jamá ees aī e Symbolo Apostolikoe.

P. 9. Koom namber nan ta warde jamá, koe a toema e sienjansa di Hesoe Kriestoe i ta konosélé?

R. Toer e leende koe ta toema e sienjansa di Hesoes i ta konosélé ta worde jama: oen Kriestiaan.

Rom. XII: 5. Asina noos toer ta oen koerpa deen Kriestoe; ma kada di noos ta mieembro di ees koerpa aī.

P. 10. Keende ta e kabees di ees koerpa of di toer Kriestiaan nan?

R. Hesoe Kriestoe mees ta e Scenjoor oenikoe i berdaderoe di toer Kriestiaan nan, Eel ta e kabees di soe gemeente of kerki ariba téra.

Eph. I : 22. Dioos a doenélé, Hesoe Kries-
toe, pa soe gemeente na oen kaboes riba toe
koos deen di cieçloe i riba téra.



KAPITTEL NOEEBE.

Riba moortoe i e bida eteernoe.

P. 1. E bida di heende nan riba téra aki ta di grandi
baloor?

R. Sikoer! Dioos a doena na noos ees bida aki
pa prepara noos na oen oter bida eteernoe.

Gal. 6 : 7—9. Mi stímadonan! no guanja
bo mees. Dioos no a lagua harie koe soe mees,
pasoba kiko e heende ta planta, lo eel kap ees
ni tambee; i e heende, koe ta biba na soe guoest-
toe, lo eel mees risibie kastiguameentoe i rabia
i perdimeentoe; maar heende, koe ta biba na
guoestoe di Dioos, lo eel risibie e bida eteernoe.
Lagua noos hasie boon auto; pasoba lo noos
kap froeta di noos boon bida, sikoer oen dia,
si ta koos noos no ta bira zwak deen di noos
keeréinoentoe.

P. 2. E alma di heende no ta moerie, mees koos,
koe e koerpa di heende?

R. Eri nienguoen manecra e alma di heende no
poor moerie.

Matco X : 28. No teence mieçdoe pa heen-
de nan, koe ta matá koerpa di otro heende i
eel no poor matá soe alma; ma mas promee
teence mieçdoe pa Elé, kie poor perdee alma
i koerpa, i tiera nan deen di fièrnœ.

P. 3. Lo e moortoe nau lamanta anto deespoes ?

R. Si! E Scenjoor Hesoës ta jamá nan afo di nan graf pa lamanta na oen bila eternoe.

Guan 5 : 28, 29. Ora ta bini, (:Hesoës a bisa :) koe toer moortoe nan lo teende e boos di e Jioe di heende (di Kriestoe) i lo nan baai afo di nan graf. Ees heende nan koe ta biba boon na e lamantameentoe di oen bida eternoe i heende nan, koe ta hasie maloe na e lamantameentoe di perdineentoe deen di fiernoe.

P. 4. Kiko lo sosodé deespoes ?

R. Toer alma di heende koe nan koerpa nobo lo ta parsee dilanti e triboenaal di Kriestoe pa oen oëisio hoestoe i eternoe:

2 Kor. 5 : 10. Noos toer meesteer parseo dilanti e triboenaal di Kriestoe, pa motiboe koe kada di noos poor risibie na ees aï, koe eel a hasie riba téra na e boon i na e maloe, koe kada di noos a hasie, deen di bida aki.

1 Kor. 15 : 44. Oen koerpa, koe poor moerie ta bira déraar, oen koerpa koe no poor moerie ta bira lamantaar.

P. 5. Kiko lo ta esoërte di maloe nan deen di oter bila!

R. E maloe nan lo ta deesgrasiadoe pa seemper.

Mateo 25 : 41. Lo Kriestoe bisu anto na ees nan, koe ta na soe wan robes (na maloe nan) : "Malditoe ! Baai afo di mi ! Baai deen di kandéla, koe ta pa seemper i koe ta para klaar pa e diabel i pa soe Engel nan."

P. 6. I kiko lo ta e soërte di heende nar boon ?

R. E heende nan boon lo ta bieenabieentoeradoe pa seemper.

Mateo 25 : 34. Lo rei (Kriestoe) bisa anto na ces nan, koe ta na soe man dreetstjoe : "Bini aki, bini bosonan, biendisionadoe di mi Taata ! toema e erfnis of reinoe, koe ta dreetstjoe pa bosonan fo di koemiensameentoe di moendoe."

P. 7. Ki moder noos meester prepara noos mees pa moortoe ?

R. Noos meester biba aki oen bida di Kriestiaan nan berdaderoe, oen bida di keerémeentoe di stimasioon, koe ta deen koemmoenidad koe Dioos, noos Taata koe ta na cieloe i koe Heso Kriestoe noos Seenjoor.

1 Guan 2 : 28. Mi jioe nan doesie ! Kéda hoentoe koe Dioos i koe Heso Kriestoe, pa motiboe koe noos poor tien oen boon koerasoon dilanti djé, ora, koe noos meester parsee dilanti di soe triboenaal i lo nces no guanja noos, ora koe lo Kriestoe bini.

F I E N.



This work is made available to the public courtesy of:
Biblioteca Nacional Aruba, Departamento Arubiana-Caribiana
(National Library of Aruba, National and Special Collections Department)

Original file location: <https://archive.org/details/bibliotecanacionalaruba>

For questions about this work, requests for use of (high-resolution) original master images, etc.,
please contact us at:

Biblioteca Nacional, Dept. Arubiana/Caribiana

Address Bachstraat 5, Oranjestad, Aruba

Phone +297 582-6924

Fax +297 583-8485

Email info@bibliotecanacional.aw

Web <http://www.bibliotecanacional.aw/pages/arubiana-caribiana/>

Facebook <http://facebook.com/bnaarubiana>

(Please include the unique identifier/URL/filename of the document when contacting us)

This work is licensed under a Creative Commons Attribution 4.0 International License (CC BY 4.0)



<https://creativecommons.org/licenses/by/4.0/>

This is a human-readable summary of (and not a substitute for) the license.



You are free to:

Share — copy and redistribute the material in any medium or format

Adapt — remix, transform, and build upon the material

The licensor cannot revoke these freedoms as long as you follow the license terms.

Under the following terms:

Attribution — You must give **appropriate credit**,

[to **Biblioteca Nacional Aruba**, linking to the original URL of this source document]

provide a link to the license [<https://creativecommons.org/licenses/by/4.0/>],

and indicate if changes were made.

You may do so in any reasonable manner, but not in any way that suggests the licensor endorses you or your use.

No additional restrictions — You may not apply legal terms or technological measures that legally restrict others from doing anything the license permits.

You do not have to comply with the license for elements of the material in the public domain or where your use is permitted by an applicable exception or limitation.

No warranties are given. The license may not give you all of the permissions necessary for your intended use. For example, other rights such as publicity, privacy, or moral rights may limit how you use the material.